



partii naleraq

4. okt 2019

UKA2019/23

Piniarneq aallaaniarnerlu pillugit Inatsisartut inatsisaat nr. xx, xx. xxx 2019-imeersoq
(Aalisarnermut, Piniarnermut Nunalerinermullu Naalackersuisoq)

Piniarneq aallaaniarnerlu pillugit Inatsisartut inatsisissaannut siunnersuut oqaaseqarfigissavarput tassanilu isumatusaartumik minnerunngitsumillu uagutsinnut inuiaqatigiinnut aallaavigaluta inatsisiliussagatta tamatsinnut pitsasumik toqqammaviliisumik.

Nunatsinni inuuniarnikkut tunngavippuut tassaavoq uumassusilinnik iluaquteqarlutalu nerisaqaratta, tamannalu ukiut 1000-it ataasinnaangitsut ingerlassimavarput massakullu aamma inuussutissat pisariaqartippagut taamaattumik isumatusaartumik sapinngisamillu iluaqutaasumik atuisunut minnerunngitsumillu aamma uumassusilinnut inuussutitsinnut akisussaassuseqartumik pitsaasumik paarsinissatsinnut aaqiiniassagatta.

Piniagassat suulluunniit isumalluutigut aammalu uumassusillit tamarmik imarmiut nunamiullu illersorneqarsinnaasumik atornissaat tamatta pisussaaffigaarput pingaaruteqarluinnartoq. Illersussavagut piujuarnissaat kinguassiortuarnissaallu qulakkeerlugit.

Piniakkanik uumassusilinnik aqutsinermi tamatigut aamma piniartut atuisut ilanngullugit ingerlatsisoqarnissaa qulakkertariqarparput. Tassami amerlasuutigut tusaaneqanngitsutut illutik killersuinermi atuisutut inuussutissarsiutillit sunniuteqarsinnaanerit killeqarsinnaasarmat.

Piffissami kingullermi takuarput piniartut piniarnerinnarmik inuussutissarsiutillit qanoq ilungersunartigisumik atugassaqartikkigut. Upernaarli eqqartulerpagut neqissaqarniarnikkut aammalu aningaasarsiornikkut pisariaqartitsisut qilalugartassaminnik noqqaajuartut tapersorsorlugit Naalackersuisunut apuussivugut piniartut peqatigalugit.

Ulloq manna tikipparput suli aaqiisoqanngitsoq kiisa avannaarsuani kaperlak takkukiartulerpoq imaq sikuartalerpoq qajannamillu qilalugarniartartunut assut kingunerlussaaq, tassami aamma qimminut nerukkaatissaqarnerat ilanngullugu eqqornerlunneqarpoq tamannalu assut ilungersunartumik kinguneqassasoq ilimanarluinnarpoq.

Avanersuarmit eqqarsaatigalugit qilalugartassaat suli nungunngitsut 30.juli 2019 Naalackersuisut allakkanik ammasunik Partii Naleqqamiit piunaffigaagut pisassiinissamik suliaqaqqullugit massakut aamma suli akissuteqarfigineqanngitsumik. Aasap ingerlanerani Avanersuarmit marloriarlutik akerliussutsimik takutitsippuut aamma kinguneqanngitsumik.

Taakuinnaangillat Upernavimmiut eqqaamiuulu aamma Upernarli ilungersulerput tassanilu aamma annertuumik tapersiummik apuussivugut piaartumik pisasseeqqullugit massakkumut aamma kinguneqanngitsumik.

Taamatullu aamma Tasiilarmiut eqqamiuilu aamma qilalugartassaannik taperserlugit saaffiginissutigisaqattaarpagut aamma kinguneqanngitsumik ila ilungersunaqaaq tusaaneqarani piniartut ilaquataallu ilisimallugit inuuniarnerminni qanoq pisariaqartitsigisut apuunneqartartut eqqarsaatigalugit.

Ittoqqortoormiit aamma tassani nipiliornermi aamma annertuumik ikiorneqarnissaat ilanngullugit nipiliuutigineqarput tassanilu aamma ajoraluartumik tusaaneqaratik tamannalu allanngortinniartariaqarparput.

Piniartummi isorliunerusuni suli amerlapput inuussutissarsiutaavoq piniarneq ilaqutariippasuit suli toqqammavigaat tamaattumik inatsiliornermi annertuumik peqataanissaat qulakkeerlugu inatsimmut ikkuttariaqarparput.

Piniarnermut allagartamik pissarsiniarneq assorujussuaq innuttaasut ilaannut ajornartorsiutaasarpoq, assersuutigalugu kilisaammut aalisartut ilaagaanni taava pissarsinissaq ajornavittarpoq tamannalu allanngortinneqarnissaa ilanngullugu siunnersuutigaarput.

Ullorpassuit ilaanni nunamiittarput nunamiinerminnilu aamma allatulli piniakkanik killilersukkanik assersuutigalugu qilalukkat arferit aarit timmissat allallu eqqarsaatigalugit piniarsinnaanermiinnut mattunneqartarput uffalu maani nunami najugaqavillutik ilaquataqarlutillu pigaluartut tamaattumik inatsimmut aamma ilanngunneqarnissaat piumasaraarput.

Aammalu uani inatsissami iluarisimaarparput piniakkanik killilersukkanik piniarnermi akuersissutit arlallit piniarnermi ataatsimi tunniunneqarsinnaanerat periarfissatut ikkunneqarniarpoq tapersersoratsigu.

Uanilu aamma Uumasunik pissatanik toqutsinerit inatsisissami siunnersuutigineqartut isumaqarluinnarpugut akuersarneqarsinnaanngitsoq malissallugu. Assersuutigalugu ullumiummat piniarpugut qilalukkanik malersorluta, malersoreerluta allamut ingerlaqqippugut ingerlalluta naammattoorparput qilalugaq pissataq toqullugulu. Taava uani inatsisissami siunnersuummi piumasarineqarpoq uumasooq pissataq toqtarput qimassagipput.

Taavagooq nalunaassaagut Aalisarnermut pisortaqarfimmullu nalunaassaagut uumasooq toqtarput igissimallugu. Tassami qimaannarutsigu igitsineruvoq. Taamak tulluanngitsigisut tamakku inatsisissami akuersarneqarsinnaanngilat. Allatut oqarneq ajornaqaaq "Ikanngilagut pinnguanngilagut"

Taavalu ilaatigut oqaatigineqarpoq Qilalukkanut piniarnermut qassusersorneq ilanngunneqarsimasooq ilu Moornerooq paaserusunnarpoq. Tassami ilisimavarput qilalukkanut qassusersorneq inerteqqutaasooq kitaani piniarfinni.

Aammalu ilaatigut oqaatigineqarpoq Inuussutisarsiutigalugu piniarnermut allagartamik pisaqarnissamullu akuersissummik naqissusikkamik peqartut kisimik tuniarsinnaasutut innersuunneqarput tamannalu uagut isumaqatiginngilarput. Arlalinnik tikkuagassaqarput inatsissatut siunnersuut tamakkulu sukumiisumik ilanngullugit ataatsimiititalimi suliarineqarnissaat innersuussutigissavarput.

Hans Enoksen

